

1875

73

232.9

U-43

1898

ՍԷՐ ԱՌ ՔՐԻՍՏՈՍ

73



معارف عمومیہ نظارت جلیلہ سنک ۲۹ ذی الحجہ ۱۳۱۵ و ۹ مایس
۳۱۴ تاریخلی و ۲۰۴ نومرولی رخصتنامہ سیلہ نشر اولئشدر
صارفی آمریقان مسیونر شرکتی طرفندن تسویه اولئہرق طبع اولئشدر



Ի ԿՈՍՏԱՆԴՆՈՒՊՈԼԻՍ

Ի ՏՊԱՐԱՆԻ Ա. ՅԱԿՈԲ ՊՅԱՃԵԱՆ

1898

232.9

U-43

2010

2102

2529

4-43

ՍԷՐ ԱՌ ՔՐԻՍՏՈՍ



معارف عمومیہ نظارت جلیلہ سنک ۲۹ ذی الحجہ ۱۳۱۵ و ۹ مایس
۳۱۴ تاریخلی و ۲۰۴ نومرولی رخصتنامہ سیلہ نشر اولمشدر
مصارفی آمریقان مسیونر شرکتی طرفندن تسویہ اولئہرق طبع اولمشدر

Ի ԿՈՍՏԱՆԴՆՈՒԴՈՒԹՅՈՒՆ

Ի ՏՊԱՐԱՆԻ Ա. ՅԱԿՈԲ ՊՕՅԱԶԵԱՆ

1898

ՍԵՐ ԱՌ ՔՐԻՍՏՈՍ

Կ'ուզեմ քիչ մը խօսիլ ձեզ Պետրոսի առաջին թղթոյն առաջին գլխոյն ութերորդ համարին առաջին մասին մէջ գտնուած սաբաւերուն վրայ. «Ան որ դուք չտեսած՝ կը տիրէք,» այսինքն՝ զՅիսուս, վասն զի նախքան թաց բառերն են «Յիսուս Քրիստոսի յայտնուելու ատենը»:

Սեր Գրիգոր. ահա մեր նիւթը:

Գիտէք թէ Պետրոս գրեց այս թուղթը այն պիտի անձանց որ ցրուեալ էին ի Պոնտոս, Գաղատիա, Կապադովկիա, Ասիա և Բիւթանիա: Որոշ չենք գիտեր թէ ուստի՝ գրուեցաւ այս թուղթը: Պետրոս կը յիշէ զԲաբելոն իբրեւ քաղաքն ուստի իւր շուրջ գտնուած անձինք շրջեցին բարեկեցիկ. և չատեր կը կարծեն թէ այս թուղթը գրուեցաւ ի Բաբելոն, աշխարհի հռչակաւոր վաղեմի քաղաքն Եփրատի ափանց վրայ: Սակայն ուրիշներ կը կարծեն, և թերեւս նոյնքան հաւանականութեամբ, թէ Պետրոս կը գործածէ Բաբելոն բառը մասնաւոր առմամբ իբրեւ նշանակ Հռոմայ քաղաքին, որ, նման վաղեմի մեծ Բաբելոնի, աշխարհի ոստանն էր, ուր իմաստին կը գրտնուէին զանազան լեզուք, կրօններ և ցեղեր:

52640 - Լե. Կ.



39353-67

ինչպէս դուք, եթէ գտնուէիք ի Հռոմ, ձեր նամակին գլուխը կրնայիք գրել «Յաւիտեանական փաղաք», վասն զի շատ անգամ այդպէս կը կոչուի այն, կամ եթէ գտնուէիք ի Ֆլորանս, կրնայիք գրել «Դադկանց փաղաք», վասն զի այդու կը հասկցուի այն քաղաքը, կամ եթէ գրէիք Ամերիկայի Ուաշինկթըն քաղաքէն, կրնայիք գրել ձեր նամակին գլուխը «Մայրաքաղաք Միացեալ Նահանգաց»։ Նոյնպէս կարելի է թէ առաքեալն գրեց այս նամակն Հռոմէ և կոչեց զՀռոմ «Բաբելոն», վասն զի իւր օրով կը ներկայացունէր զհինն Բաբելոն։ Սակայն ի՛նչ քաղաքէ ալ գրուած ըլլայ այս թուղթը, գիտենք թէ որո՞ց գրուեցաւ։

Գրուեցաւ իբր երեսուն տարի յետոյ քան Տեառն մերոյ մահը, գրուեցաւ Գրիստոսի հետևողներու որ ցրուած էին արևմտեան Ասիոյ մէջ, երբեք չէին տեսած զՏէրն, և սակայն ըստ բանի Պետրոսի կը սիրէին զնա։ Ահա այս կէտին վրայ կ'ուզեմ քիչ մը խօսիլ ձեզ։

Երբ փոքրիկ տղայ էի, միշտ կ'ըսէին ինձ որ սիրեմ զԱստուած. օրէնք և կանոն էր այդ։ Տարակոյս չունէի թէ ուղիղ կանոն էր, բայց չէի գիտեր թէ ի՛նչպէս պարտէի պահել զայն, վասն զի երբեք տեսած չէի զԱստուած։ Նա կը թուէր ինձ հեռաւոր և անհուն, և այնչափ մեծ՝ որ կը խորհէի թէ պի-

տի չդիմանէր խորհիլ իմ վրաս կամ կարելուութիւն տալ ինձ։ Կ'ըսէին ինձ թէ կը տեսնեմ զնա արևուն լուսոյն մէջ, բայց չէի կրնար սիրել արևուն լոյսը. թէ կը տեսնեմ զնա անձրեւին մէջ, բայց չէի կրնար սիրել անձրեւը. թէ կը տեսնեմ զնա որոտման եւ փայլատակման մէջ և գիշերուան աստղերուն մէջ, սակայն միշտ կը մտածէի թէ նա հեռի է ինծմէ։ Չէի գիտեր թէ ի՛նչպէս պիտի յաջողէի, այսինքն՝ սրտիս մէջ ունենայի սէր առ Աստուած, սէր՝ զոր, կ'ըսէին ինձ թէ, անհրաժեշտ էր ունենալ։ Յանկարծական լոյս մը, և մեծ լոյս մը, ստացայ երբ ըսին ինձ թէ՝ Գրիստոս կը յայտնէ ինձ զԱստուած և թէ ես պարտիմ սիրել զԱստուած ոչ միայն ինչպէս կը յայտնուի նա Բնութեան մէջ, ոչ միայն ինչպէս կը յայտնուի նա հոգւոյն մէջ, այլ և ինչպէս կը յայտնուի Գրիստոսով, որ է ստուգիւ բովանդակ սիրոյս արժանի էակ։ Այս լուսաւորեց զիս մեծապէս։ Եւ սակայն չէի գիտեր սիրել զԳրիստոս։ Կը թուէր ինձ թէ նա էր վարդապետութիւն մանաւանդ քան անձնաւոր էակ մը, թէ նա էր նկարագրի և վարուց մասնաւոր օրէնք մը ներկայացունող պարտականութեան կանոն մանաւանդ քան անձ մը զոր կարելի է ինձ ճանչնալ։ Կը թուէր ինձ թէ նա էր անձ մը որ գոնէ մեռած գացած էր աշխարհէս, անձ մը որոյ կենսագրութիւնն էր իմ առջև՝ չորս առան-

ձին պատմութիւններու մէջ, անձ մը որոյ վրայ կրնայի սքանչանալ, զոր կրնայի պատուել, և զոր սակայն չէի կրնար սիրել իբրեւ բարեկամ մը որ ներկայ է այս աշխարհի մէջ։ Գիտէի թէ սէրն ի՞նչ կը նշանակէ, ինչպէս ձեր մէջ ամէն ոք գիտէ, այսինքն՝ բարեկամի մը համար սրտին մէջ վառուած այն եռանդը, որով կը տաքնայ սիրտը և կը զուարթանայ հոգին։ Խանդաղատանք է այն առ բարեկամն, նման այն գործովոյն զոր կը զգանք առ մայր, առ հայր, առ քոյր և առ բարեկամն։

Արդ, թէ ի՞նչպէս կրնայի ունենալ այդ սէրն առ փրիստոս, առ այն էակն որոյ վերաբերեալ պատմութիւնները միայն, այսինքն՝ Աւետարանաց մէջ տեսնուած կենսագրութիւնը, ունէի իմ առջևս, դժուարին և շուարեցունող խնդիր էր ինձ համար։ Ըսին ինձ թէ յայդմ մասին պարտիմ ապաւինիլ աստուածային շնորհաց օգնութեան. և այդ խրատը ճմարիտ գտայ։ Ըսին թէ պարտիմ աղօթիւք խնդրել Աստուծոյ շնորհքը և օգնութիւնը որպէս զի կարող ըլլամ ունենալ փրիստոսի սէրը. այդ ևս ճմարիտ էր։ Այսու ամենայնիւ, դժուարին էր ինձ հասկնալ թէ ի՞նչպէս պիտի տածէի սրտիս մէջ այսպիսի սէր առ նա որ ի վաղուց հետէ աներևութացած էր աշխարհէս։ Բաւական ժամանակ յետոյ սկսայ հասկնալ ինչ որ դուք այժմ կը

սորվիք աւելի կանուխ թէ փրիստոս չէ մեռեալ, թէ նա է յարուցեալ, յերկինս համբարձեալ և յաւիտեան կենդանի է իբրեւ Բարեխօս մարդկան, այսինքն՝ իբրեւ Փրկիչ և Թագաւոր։ Սորվեցայ նմանապէս ինչ որ դուք կը սորվիք այժմ թէ փրիստոս հեռի չէ մենէ, այլ ներկայ է մեզ, անտեսանելի, բայց իրօք ներկայ. ներկայ՝ տրամութեան ամէն տեսարանի մէջ, ներկայ՝ ուրախութեան ամէն տեսարանի մէջ, ուր իր աշակերտք կը հաւաքուին և փառք կը մատուցանեն առ նոր անուան։ Սորվեցայ թէ որպէս զի սիրեմ զնա՝ պարտիմ ընել զնա յատուկ խորհրդածութեան առարկայ. ուրիշ խօսքով, պարտիմ խորհիլ անոր վրայ։ Պարտիմ մտացս առջև բերել զնա, ինչպէս դուք սէր կը տածէք առ ձեր բարեկամն կամ բարեկամուհին, միշտ անոր վրայ խորհելով կամ մտածելով։ Եթէ հեռի է նա ձեր տեսութենէն, կը խորհիք անոր վրայ, և թերևս կը թղթակցիք անոր հետ։ Նոյնպէս մենք պարտիմք խորհիլ փրիստոսի վրայ, որ ներկայացուած է մեզ Աւետարանաց միջոցաւ, խորհիլ՝ որպէս զի արծարծի և նորոգուի մեր սէրն առ նա։

Զարմանալի է փրիստոսի վերաբերեալ նկարագրութիւնը զոր կը գտնենք Աւետարանաց մէջ։ Զորս Աւետարաններ կան, և թերևս խորհիք երբեմն թէ այս Աւետարանք աւելի են քան զոր հարկ են մեզ։ Ասոնք կը ներ-

կայացունեն մեզ զփրիստոս ոչ մի տեսարանի մէջ միայն, այլ՝ բազում տեսարանաց մէջ. կը ցուցնեն անոր զարմանալի և հրաշալի գործերը, նաև անոր յետին խոնարհութեան գործերը: Արդ, նայինք թէ ի՞նչ էր այս զանազան պատկերաց պատճառը: Եթէ խնդրէք դուք նկարչէ մը որ հանէ ձեր բարեկամին պատկերը, կամ եթէ ձեր հայրը կամ մայրը խնդրէ նկարչէն որ հանէ ձեր կենդանագիրը կտաւի վրայ, այսինքն՝ ողորկ մակերևութի վրայ, նկարիչը կը խնդրէ մի լուսանկար միայն և ոչ այլ ինչ. և ապա, եթէ բացակայ էք, կ'առնու լուսանկարը և կ'ընդօրինակէ զայն: Թերեւս յետոյ տեսնէ զձեզ, և տեսնելով զձեզ՝ վրձինի նոր հարուածով կենդանութեան դրոշմ տալ կենդանագրին: Սակայն ինչ որ կը պահանջէ իրօք՝ ուրիշ րանչէ, բայց լոկ մի լուսանկար: Բայց դիցուք թէ արձան մը կը պահանջուի փոխանակ պատկերի որ կը շինուի հարթ մակերևութի վրայ, արձան մը՝ որուն պիտի նայուի ամէն կողմէ: Գանդակագործն յայնժամ կը խնդրէ պատկեր մը որ ներկայացունէ որոշեալ անձին երևոյթը, երբ նա կը դիտուի առջևի կողմէն. կը խնդրէ ուրիշ երկու պատկերներ որ ներկայացունեն նոյն անձին երևոյթը, երբ նա կը դիտուի աջ կողմէն և ձախ կողմէն. դարձեալ կը խնդրէ ուրիշ պատկեր մը որով ներկայացուի այն անձին գլխոյն ետևի կող-

ման երևոյթը. կը խնդրէ պատկերներ ամէն կարելի անկիւնէ առնուած: Կը խնդրէ հարկը պատկեր փոխանակ միոյն զոր կը խնդրէ նկարիչը. վասն զի պիտի յօրինէ արձան մը որ այնուհետև ամենուն պիտի ներկայացունէ ճշդիւ այս անուն անձը, իւր կերպարանին և դիմաց բովանդակ վեհութեամբ, կենդանութեամբ, անուշութեամբ և բոլոր յատկութեամբ: Այո, կը կարօտի հարկը լուսանկարի:

Բարի: Արդ, փրիստոս պիտի ներկայացուի մեզ. պիտի ներկայացուի ո՛չ հարթ մակերևութի վրայ՝ միակ լուսանկարէ մը ընդօրինակուելով, այլ, ինչպէս կը պատկերանայ մեր մտաց առջև, տեսութեան ամէն կարելի անկիւնէ դիտուելով: Կ'ուզէք տեսնել թէ անոր ի՞նչպէս կը նայէր փարիսեցին, ի՞նչպէս՝ Սաղուկեցին, ի՞նչպէս՝ Հերովդեսեանը. ի՞նչպէս կը նայէին Պիղատոս, զինուորք, Բեթանիացի Մարիամ, փիւնիկ Ստորի կինը, Յովհաննէս, Յակոբոս, Պետրոս և բոլոր այլք, և ի՞նչպէս կը նայէին փոքր մանկունք: Կ'ուզէք տեսնել զփրիստոս իւր բովանդակ կերպարանով և իւր բազմազան գործերով զորս կատարած է: Ահա այդ է զոր ինչ կ'ընեն Աւետարանք: Աւետարաններէն ոչ մին առանձինն կրնար այսպէս ներկայացունել մեզ զփրիստոս, բայց միանալով կ'ամբողջացունեն փրիստոսի նկարագրութիւնը, այնպէս որ նա է աչ-

խարհի համար աւելի իրական մի անձ և աւելի գեղեցիկ մի զօրութիւն քան որ և իցէ էակ զոր երբեք տեսած է աշխարհ: Այս պատճառաւ պարտիք խորհիլ անոր վրայ որպէս զի սիրէք զնա:

Հարկաւ կը խորհիք դուք անոր զօրութեան վրայ որով գործեց հրաշներ, որով երկրէս վերացաւ իւր Այլակերպութեան ժամանակ, որով խորտակեց գերեզմանին դռները և մտաւ յերկինս: Սակայն կ'ըսէք թէ չէք կրնար սիրել զօրութիւնը, լոկ զօրութիւնը: Իրաւունք ունիք. չէք կրնար սիրել զօրութիւնը լոկ իբրեւ զօրութիւն: Եթէ ոչ պիտի սիրէիք նաև թընդանօթը որ ութ մղոն հեռի կ'արձակէ իւր գնդակը կամ ուռմբն օդին մէջէն. պիտի սիրէիք նիակարա ջրվէժը որ ամէն վայրկեան հազարաւոր և բիւրաւոր տակառաչսփ ջուր կը թափէ անդունդը. պիտի սիրէիք շանթը որ յերկիր կը տապալէ ծառերը և կը փշրէ և կը լափէ զայնս նոյն հետայն: Ոչ, չէք կրնար սիրել լոկ զօրութիւնը, և չէք կրնար սիրել զՔրիստոս, եթէ կը խորհիք գլխաւորապէս կամ առաւելապէս անոր զօրութեան վրայ: ԶԱստուած սիրելու գոհարութիւնը զոր կը կրեն տղայք մինչև տեսնեն զնա ի Քրիստոս՝ սա է որ անոնց կը թուի նա իբրև հօր, բարձրեալ, ամենիշխան և յաւիտենական էակ: Եթէ տղայք կարող ըլլան խորհիլ Աստուծոյ վրայ ինչպէս յայտնուած է նա ի

Քրիստոս, յայնժամ կարող կ'ըլլան սիրել զնա, վասն զի կը միացունեն զօրութեան, փառաց և գերիշխանութեան այս գաղափարաց հետ Քրիստոսի վերաբերեալ ուրիշ գաղափարներ ևս որք են ճշմարիտ գաղափարներ:

Առնունք, զոր օրինակ, Քրիստոսի քաղցրութիւնը: Տղայք կը սիրեն մօր կամ բարեկամի քաղցր բարքը, կը սիրեն մօր կամ հօր գոհունաց քաղցրութիւնը, կը սիրեն մօր կամ հօր խօսքերուն քաղցրութիւնը: Խիստ խօսքը, յանկարծ կամ բարկութեամբ ըսուած խօսքը, սոսկում կ'ազդէ տղայոց: Քաղցրութիւնն կամ ազնուութիւնն հրապուրիչ է, և երբ կ'ըսենք ազնիւ կամ ազնուական, չենք ուզեր ըսել լոկ բարուք և վարուք կիրթ և փափուկ, այսինքն՝ ազնուաբարոյ անձ: Ազնուական ի սկզբան կը նշանակէր ազնուատոհմ, և որովհետև ազնուատոհմ, ուստի և փափկասիրտ և ազնուահոգի: Ահաւասիկ ազնուական բառին նշանակութիւնը: Քաղցրութիւնը սիրելի և ցանկալի է մեզ երբ միացեալ է զօրութեան հետ. և որ աւելին է, որչափ մեծ ըլլայ զօրութիւնը, նոյնչափ անոյշ և հրապուրիչ կ'ըլլայ քաղցրութիւնը: Արդ, Քրիստոս, որպէս կը պատկերանայ մեզ Աւետարանաց մէջ, չունի աւելի սիրուն և աւելի որոշ մի յատկութիւն քան այս յատկութիւնն քաղցրութեան:

Զայս ցուցնեմ ձեզ երեք դէպք յիշելով: Նա տուաւ Օրէնք մը բոլոր աշխարհի, և աշխարհի պատմութեան բոլոր դարուց համար: Արդ, ի՞նչպէս տուաւ զայն: Քրիստոսի օրով, եթէ օրէնսդիր մը մարդոց տար վարուց որ և է կանոն, բեմի վրայ կանգնելով կը խօսէր բարձրաձայն և բազում շարժումներով, և այդպէս կը ջանար տպաւորել օրէնքը բոլոր ունկնդիրներուն մտաց վրայ: Քրիստոս նստաւ. նստաւ լերան մը գլուխը, մինչ իւր շուրջ բազմութիւնք խռնեալ էին լերան խոտաւէտ կողերուն վրայ. և խօսեցաւ այնպիսի քաղցրութեամբ որով ձեր մայրերն կը խօսին ձեզ երբ տան ձեզ որ և իցէ խրատ կամ քաջալերութիւն: Խօսեցաւ առանց բռնուն շարժմանց, առանց լեզուի խստութեան. խօսեցաւ այնպիսի կերպով որոյ քաղցրութիւնն կը հաւասարի իւր իշխանութեան: Եւ աշխարհի վրայ ամենայն ուրեք ուր կարդացած են մարդիկ այդ Օրէնքը և ըսած են, «Այո, այդ է բարձրագոյն Օրէնքը», ըսած են միանգամայն, եթէ խոհեմ մարդիկ էին, «Որպիսի՞ մեղմութեամբ խօսուած է այն:» Այո, այնպիսի մեղմութեամբ՝ որով լոյսն կուգայ յերկնից, այնպիսի մեղմութեամբ՝ որով ցօղը կ'իյնայ խոտոց վրայ գարնան կամ ամրան մէջ, այնպիսի մեղմութեամբ՝ որով գունաւոր ամպն հեզիկ կը սահի օդոյն մէջէն: Անոր մեղմ հոգին կը փայլի իւր պատուէրին մէջ:

Առնունք ուրիշ դէպք մը յորում նա կ'երևի փոթորկի մէջ, կը քալէ ալեաց վրայէն և կը նուաճէ զայնս՝ հարթ մակարդակի վերածելով: Հանդարտ է. կը քալէ այնպէս մեղմով որպէս թէ շարժէր Ղազարոսի տան մէջ ի բեթանիա. և փոթորկին այն անհղաղմունկին մէջ մեղմիկ ձայնով կ'ըսէ ջուրերուն, «Խաղաղութիւն», և աշակերտաց՝ «Ես եմ, մի վախճաք:» Կը յիշէր դուք անոր յարութեան յոյժ նշանաւոր եղելութիւնը, երբ մեծ երկրաշարժ եղաւ, կ'ըսէ մեզ պատմութիւնը, և զինուորը զարհուրելով ինկան որպէս մեռեալ: Հրեշտակն յերկնից իջաւ կատարեալ սպառազինութեամբ և շքեղութեամբ, և աշակերտը որ եկան ի գերեզման՝ բաց դռնէն նայեցան գերեզմանին մէջ և տեսան կտաւները որ հոն կը կենային. և անոր գլխոյն վարչամակը չէր միւս կտաւներուն քով, այլ՝ խնամով ծալուած և դրուած էր առանձին տեղ մը: Ահա աշխարհի այս Տէրն և Թագաւորն այնքան ազնիւ և փափկանկատ էր որքան ամենասիրուն կինն յաշխարհի, և չկամեցաւ մեկնիլ գերեզմանէն՝ թողով վարչամակն հոն անկարգ և անկանոն վիճակի մէջ: Ահա Քրիստոսի ազնուութիւնը. անոր բոլոր զօրութիւնը միացեալ էր այս խանդակաթ քաղցրութեան հետ:

Այժմ խորհինք անոր հոգւոյն կառարեալ մաքրութեան վրայ: Դուք կը փնտռէք հոգւոյ

մաքրութիւն բոլոր այն անձանց վրայ որոց կը վստահիք և զորս կը սիրէք: Կը զգուիք պիղծ բերանէ և մոլեկան բնաւորութենէ. տարակոյս չունիմ թէ կը զգուիք: Ամէն ուղղամիտ տղայ կը զգուի, և դուք կը փնտռէք մաքրութիւն ձեր հօր, մօր և բարեկամաց վրայ: Կը փնտռէք զայն ձեր վրայ ևս. կ'ուզեմ ըսել մաքրութիւն հոգւոյ և մաքրութիւն լեզուի: Այս ցանկալի է ձեզ, և այս յատկութեան փայլը կը տեսնէք վտակին վրայ որոյ վճիռ ջուրը կը հոսէ խոխոջներով: Բաղդատեցէք զայդ այն ինչ հեռակայ լճին հետ որոյ ջուրն է կայուն, նեխեալ և աղտեղութեամբ լի, և որ կը բուրէ ապականիչ ժահահոտութիւն. պիտի գոչէք, «Ո՛րքան տարբեր է այդ ապականեալ լիճն այս մաքուր և կարկաշատ վտակէն:» Այո. կը համարիք մարգարիտն աւելի ընտիրքան թանձր գիծերով և յոյժ պայծառ գոյներով պատկեր մը: Կ'ընտրէք մանաւանդ մարգարտին մաքրութիւնը և փայլըքան ակնախտիդ գոյներու տարապայման ճոխութիւնը: Կ'ընտրէք մաքուր օդն, որոյ կենսաբաշխ ազդեցութիւնը կը զգայ իւրաքանչիւր զարկ: Կ'ընտրէք զայն մանաւանդ քան ապականեալ օդը որ լի է գարշահոտութեամբ և վտանգաւոր ազդեցութիւններով: Ապա ուրեմն ես այնպէս կը համարիմ թէ կ'ընտրէք նաև մաքրութիւն հոգւոյ և լեզուի: Այս արդարև կատարեալ էր ի ֆրիստոս, և այս աւելի

արժանի է մեր դիտողութեան, վասն զի միացեալ էր անհուն և անչափելի զօրութեան հետ: Զօրութիւնն յարմարութիւն ունի յերևան բերել մարդոց նկարագրին ստորնագոյն և յոռեգոյն կողմերը: Տեսնուած են շատ մարդիկ որք, եթէ ցմահ վարէին հասարակ կենցաղ, յարգելի կրնային ըլլալ յաչս իրենց ժամանակակցաց, և սակայն ստանալով մեծ դիրք ընկերութեան մէջ՝ եղան զեղիս, անզգամ, անգութ և հայհոյիչ, այսինքն՝ թողուցին իրենց ետև չար յիշատակ մը այն զօրութեան կամ իշխանութեան պատճառաւ զոր ստացան: Զօրութեան համախառնութիւնն է միշտ յերևան հանել մարդոց յոռեգոյն յատկութիւնները:

Ահաւասիկ հզօրագոյն անձը որ երբեք ապրեցաւ երկրի վրայ, որ կարող էր հրաշք գործել դպչելով, կամ առանց խօսելու, լոկ կամենալով, զոր մահը չկրցաւ բռնել, և որում, եթէ դիմադրէր նա, Պիղատոս այնչափ անկարող էր յաղթել որչափ անկարող էր իւր մատամբը վերցունել զլիբանան: Ահա այս անձը, որ թէպէտ այնքան հզօր է և կ'ըսէ թէ Տէր է աշխարհի, չունի երբեք նախանձ, ոխ, կամ ատելութիւն. չունի երբեք անձնասիրութիւն, ազահութիւն, փառամոլութիւն, այլ լի է սուրբ և երկնային սիրով և նման երկնից կը փայլի իւր մաքրութեամբ:

Ահաւասիկ Տէրը զոր պարտիք պատկերա-

ցունել ձեր մտաց առջև օգնութեամբ այն բազմութիւն ծանօթութեանց, որք Աւետարանաց մէջ տրուած են իւր նկարագրին նկատմամբ, պատկերացունել, այո, որպէս զի սիրէք զնա:

Նմանապէս կը յիշէք հարկաւ անոր զարմանալի համակրութիւնն առ աղքատս և առ կարօտեալս, առ այնպիսիս որ կարօտ էին իւր օգնութեան: Եթէ դուք և ես ըլլայինք յայնժամ յաջող և զարգացեալ մարդիկ և բնակէինք, զոր օրինակ, ի Հռոմ, կամ յԱթէնս, և երթայինք ի Պաղեստին, նախ զո՞վ պիտի ուզէինք տեսնել: Անտարակոյս պիտի ուզէինք տեսնել յաջող և քաջ դաստիարակեալ մարդիկը, այսինքն՝ զայնպիսիս որ պիտի հիւրընկալէին զմեզ սիրով և հաճելի պիտի գործէին մեր այցելութիւն հոն, և զայնպիսիս որոց կրնայինք ի փոխարէն մատուցանել նոյնպիսի պատիւներ երբ զային առ մեզ: Պիտի ընտրէինք ազնուականները և երևելիները, եթէ պատեհութիւն ունենայինք և յաջողէինք բարեկամանալ անոնց: Կարծեմ թէ անկարեկիր պիտի չըլլայինք տառապելոց, եթէ տեսնէինք զանոնք. սակայն պիտի ընտրէինք գլխաւորապէս միւս մարդիկը: Վստահ եմ թէ ինձ համակարծիք էք, Սրբ, ահա Ոմն որ պատգամ ունի յերկնից և եկաւ յաշխարհ: Որո՞ց եկաւ: Եկաւ աղքատագոյն, վատթարագոյն և ամենատգէտ

անձանց: Եկաւ տգէտներուն որպէս զի ուսուցանէ անոնց, մոլիներուն՝ որպէս զի յուղղութիւն բերէ և մաքրէ զանոնք: Եկաւ գարշելի, սոսկալի բորոտներուն որպէս զի սրբէ զանոնք: Եկաւ անյոյս և վայրագ խեղագրնէրուն որպէս զի պարգևէ անոնց խելք և բերէ զանոնք յաղատութիւն որդւոց Աստուծոյ: Այս էր անոր յորդառատ համակրութիւնը, և մենք պարտական ենք միշտ յիշել զայս երբ կը խորհինք Գրիստոսի վրայ: Դարձեալ յիշեմ Գրիստոսի յատկութիւնները. զօրութիւն և ամենիշխանութիւն, քաղցրութիւն և հեղութիւն, համակրութիւն առ կարօտեալս, և կատարեալ մաքրութիւն հոգւոյ և կենաց:

Ապա դիտեցէք, մանաւանդ, անոր սէրն առ տղայս: Չայս անշուշտ պէտք է յիշել որպէս զի ազդէ ի մեզ նոր սէր: Մարդիկ յանժամ խիստ և գոռոզ էին հանդէպ փոքրիկ մանկան: Անփոյթ էին անոր նկատմամբ, մինչև մեծնալով ըլլար վերջապէս քաղաքացի կամ մայր քաղաքացեաց: Մանկիկն իբրև մանկիկ ոչինչ էր յաշտ ընկերութեան: Կիկերոն, պերճախօս ատենաբան և մեծ փիլիսոփայ և մարդասէր, կ'ըսէ թէ երբ մանուկ մը մեռնէր, ոչ ոք կը համարէր զայդ մասնաւոր խորհրդոյ արժանի, ոչ ոք կուտար այնմ կարեւորութիւն: Վարդապետն եկաւ այս արտաբանական զօրութեամբ և գերիշխանութեամբ, և անդամին ի սկզբանէ սիրեց զտղայս: Ինքն իսկ մանուկ եղաւ ի Բեթ-

39353-67



լեհէմ և միշտ կը յիշէր զայս, որդի՛ ի Նա-
զարէթ, և որդիական հոգին մնաց իւր բո-
վանդակ կենաց մէջ: Կը յիշէր թէ նա առաւ
փոքրիկ մանուկներն ի գիրկս իւր, և դնելով
իւր ձեռքերն անոնց վրայ՝ օրհնեց զանոնք, ը-
սելով, «Թող տուէք ատ մանր տղոցը որ ինծի
գան, և մի արդիւնք ատոնք, ինչու որ Աս-
տուծոյ թագաւորութիւնը ատանկներունն է:»
Կը յիշէր թէ ըսաւ նա, «Անոնց հրեշտակները
միշտ կը տեսնեն իմ Հօրս երեսը՝ որ երկինքն
է.» և առնելով փոքրիկ տղայ մը կանգնեցուց
վիճող աչակերտաց մէջտեղ և ըսաւ, «Թէ որ
դարձի չգաք և տղոց պէս չըլլաք, երկնից թա-
գաւորութիւնը պիտի չմտնէք:» Կը յիշէր
թէ բժշկեց զտղայս կրկին և կրկին, զոր օրի-
նակ՝ դուստրն փիւնիկ Ասորի, հեթանոս, Յոյն
կնոջ, որ իրաւունք չունէր գիմել առ Քրիստոս,
ինչպէս Հրեայ մայրեր ունէին կը կարծուէր,
բայց որոյ աղօթքը լսելով շնորհեց նա օրհ-
նութիւնը զոր կինն այնքան եռանդեամբ կը
խնդրէր ինպաստ իւր փոքրիկ աղջկան: Քրիս-
տոսի սէրն առ տղայս յայտնի և անոյշ է ա-
նոր կենաց բոլոր պատմութեանց մէջ, ինչպէս
կ'ականկալէինք, գիտնալով անոր ազնուութիւնն
և մաքրութիւնը. վասն զի ուր այս յատկու-
թիւնը կան, անդ կայ գոյութիւն և սէր առ տղայս:

Դարձեալ, մի մոռնաք զոր ինչ նա պարգևեց
աշխարհի: Կը պարծինք մենք Ծննդեան տօնի
ընծաներով, և կ'ընդունիմ թէ գեղեցիկ և

բերկառիթ են այն ընծայք: Չմոռնանք թէ
Քրիստոս տուաւ իրրե Ծննդեան ընծայ եր-
ջանկագոյն և սիրեւլագոյն Քրիստոնեայ աշխարհ
մը: Չկայ որ և իցէ բարեսիրական գործ, ե-
կեղեցի, կրթական հաստատութիւն, գրա-
տուն, և մարդկութեան օգտակար որ և իցէ
կազմակերպութիւն որ չգար Քրիստոսէ: Կ'ը-
սէք արդեօք թէ «Քրիստոս երբեք տուած
չէ ինձ որևիցէ բան:» Ոհ, նա տուած է
ձեզ ամէն ընծայ զոր առած էք ցարդ Ծննդեան
տօնին առթիւ: Նա տուաւ ձեզ ամէն ազ-
դեցութիւն զոր կը վայելէք ընտանեկան եր-
ջանիկ յարկին տակ: Նա տուաւ ձեզ ապա-
հովութիւնն և հանգստութիւնը զոր կը վա-
յելէք ընկերութեան մէջ: Նա տուաւ ձեզ
այն գրականութիւնը որ յանչափս սիրելի է
ձեզ: Նա տուաւ ամէն բան: Իւր Աւետարանն
է ամէն արարածի համար. ամէն ազդեցու-
թիւն որ կայ մեր շուրջ և ամէն կազմակեր-
պութիւն որ իւր գոյութեամբ կը գեղեցկացու-
նէ զերկիր, Քրիստոսէ կու գայ առ մեզ: Այս
ամենայն է անոր Ծննդեան ընծան առ մեզ.
և եթէ այժմ բանալով զերկինս՝ աստուածա-
յին ձեռք տեղացունէր մեր վրայ ոսկի և
արծաթ և պատուական քարեր, այդ պար-
գէք պիտի չըլլային այնքան ճոխ և տեւական
որքան այս պարգևները զորս նա կը շնորհէ:

Եւ դարձեալ, յիշեցէք թէ նա կը խորհի
մենէ իւրաքանչիւրին վրայ: «Չիս սիրեց, ու

իր անձը ինծի համար մատնեց,” կ’ըսէ մեծ առաքեալը: Թերեւս ըսէք ինձ, «Դեռ մանուկ եմ, փոքրիկ մանչ կամ աղջիկ. չեմ նման մեծ առաքելոյն. Գրիստոս չխորհիր իմ վրաս:» Կը խորհի. ամէն անձի վրայ, որ կ’երթայ առ նա և որ աւելի և և՛ս աւելի կը ջանայ սիրել զնա, կը խորհի նա սիրով և անդադար. և բազմութիւնք փոքրիկ տղայոց զգացած են զայս, երբ իրենց սրտին մէջ մուտ գտած է սա խորհուրդը, «Գրիստոս կը սիրէ՞ զիս:» Գանի մը տարի յառաջ մեռաւ փոքրիկ աղջիկ մը, զոր ամէն ոք մեր տան մէջ կաթողին կը սիրէր, և թերեւս մեծագոյն քաղցրութիւնն այն է զոր կը զգայինք և տակաւին կը զգանք՝ յիշելով թէ նա ի՛նչպէս, նստելով դաշնակին առջև, կը շարժէր իւր մատներն ստեղնաշարին վրայ և իւր սուր և բարձր ձայնով կ’երգէր, «Իսուս կը սիրէ՞ զիս, իսուս կը սիրէ՞ զիս:» Չէր կրնար ըսել «Յիսուս:» Արդ, սիրելիներս, այդ եղած է բազում մանկական սիրտերու ճշմարիտ զգացումը և համոզումը, և պարտի ըլլալ նաև ձեր զգացումը և հաւատքը:

Ապա ուրեմն, երկար չխօսիմ այս մանրամասնութեանց վրայ. յիշեցէք Գրիստոսի նախ զօրութիւնը, գերիշխանութիւնը, ապա համակրութիւնն առ աղքատս, ապա գորովն առ տղայս, ապա ընծաները զորս տուած է

աշխարհի, ապա իւր սէրն առ ձեզ, և նայեցէք թէ ձեր սիրտը ևս պիտի չցուի՞ վսեմ, կաթողին և անմահական սիրով առ Գրիստոս: Յիշեցէք զայս ևս թէ սէր առ Գրիստոս և սէր առ Աստուած ի ձեռն Գրիստոսի՝ գաղտնիքն է երկնից: Երկնային ծնունդ, երկնային գեղեցկութիւն է աշխարհի վրայ և աշխարհի մէջ: Բանալին է որով երկինք կը բացուի մեզ յայնկոյս գերեզմանին: Այո, փորձառութիւն մ’է որ կը տեսէ յաւիտեանս յաւիտենից: Ոմն կուտայ ձեզ ծաղիկ մը: Սիրուն է այն, բայց կը թառամի յետ սակաւոց, և կը պարտաւորիք նետել զայն: Ոմն կուտայ ձեզ գիրք մը, բայց կը մաշի և կ’աղտոտի յետ սակաւոց, և կը պարտաւորիք դնել զայն անկիւն մը: Այլ ոմն օր մը կուտայ ձեզ ադամանդ մը, թերեւս փայլուն յակինթ մը կամ թանկագին արեւակն մը, այդ ադամանդը, յակինթը կամ պատուական քարը երբեք չկորուսաներ իւր փայլը: Տարէք զայն ուրիշ երկիրներ, և բացէք տուփը, և ահա պիտի գտնէք անոր փայլն այնպէս պայծառ և գեղեցիկ որպէս յառաջագոյն: Թաղեցէք զայն գետնին տակ եթէ կամիք, և յետ ժամանակաց փորելով գետինը՝ դուրս հանեցէք զայն, և ահա պիտի տեսնէք թէ ո՛չ փայլն է նուազած, ո՛չ գեղեցկութիւնը նսեմացած: Այդպէս է Գրիստոսի այս սէրն հաւատացելոյն սրտին մէջ: Շատ

բաներ ունիք թերևս որք կարևոր և գեղեցիկ կը թուին ձեզ այժմ, բայց պիտի մոռնաք: Սակայն երբ այս սէրը միանգամ մտնէ ձեր սրտին մէջ, հոն կը մնայ յաւիտեան իւր գեղեցկութեամբ և ջերմութեամբ, և հետզհետէ կ'ըլլայ աւելի գեղեցիկ և աւելի ջերմ մինչև կ'ըլլայ վերջապէս անմահական ստացուած, անմահական ուրախութիւն:

«Ո՞ն որ դուք չտեսած՝ կը սիրէք:» Երանի՛ թէ այսպէս կարելի ըլլայ ըսուիլ ամենուս համար, մեծ թէ փոքր, և երանի՛ թէ տեսնենք զնա երկնից մէջ և սիրենք յաւիտեանս:





1875

huf

